

玉帝印用硃砂印之於紙上燒灰用井花水調吞之八十一日炁足後又書青一道與都印燒之已後任意呼召其龍立至不用諸物也如要乘騎三年與道合真聚則成形散則成炁故曰壽同一炁命等太虛也

上古真人皆須此符經而登真矣此書不可亂傳非人而輕泄天寶者殃及七祖得人而秘之者禍亦非淺矣敬之保之哉

玉帝印式



右用雷驚蟄木為之極妙可取天合日雕方闊一寸二分厚九分於成日造畢至庚申日夜半子時用香酒果齋潔志心祭之不用肉葷其印可安放於案上用燈九盞及牌位上書玉帝位前放印祭之至丑時黃絹袋于盛之

其印如要用之時如前作法用之自持之後常行扶危救苦救濟孤貧老幼一切疾患慈念如此修持亦有神驗矣

太上登真三幡靈應經

正一天師清微弟子 洪百堅 製作
道教學術資訊網站

通占大象曆星經卷上

原缺文一張


卷七



四輔四星抱北極樞星主君臣禮儀主政萬機輔弼佐理萬邦之象輔佐北辰而出入授政也



六甲六星在華蓋之下扛星之旁主分陰陽而配於節候出入故在帝座旁所布政教而授農時也



鉤陳六星在五帝下為後宮大帝正妃又主天子六軍將軍又主三公若星暗人主凶惡之象矣

天皇大帝一星在鉤陳中央也不記數皆是一星在五帝前坐萬神輔錄圖也其神曰耀恩寶主御羣靈也

天皇

柱下史在比辰東主左右史記過事也

柱下



五尚書在東南維主納言風夜諮謀事也


內府

內府二星在西北角主六宮飲食祭祀第宴飲廚府也




天床六星在宮門外聽政之前亦主寢宴會讌息床星傾天子不安失位也訣曰火入紫

微官中天下大亂帝王失位



北斗星謂之七政天之諸侯亦為帝車魁四星為璇璣杓三星為玉衡齊七政斗為人君號令之主出號施令布政天中臨制四方第一名天樞為土星主陽德亦曰政星也是太子像星暗亦經七日則大災第二名璇主金刑陰女主之位主月及法若星暗經六日則月餘第三名璣主木及禍亦名金星若天子不愛百姓則暗也第四名權主火為伐為天理伐也無道天子施令不依四時則暗第五名衡主水為熱助四時考熱有罪天子樂淫則暗第六名闔陽主木及天下倉庫五穀第七名璣先主金亦為應星決曰王有德至天則斗齊明國昌總暗則國有災起也右斗中于星少則人多姪亂法令不行木星守貴人繁天下亂也火星守兵起人主失人不聊生

彗星走奔諸色守斗西大飢人相食守斗南五果不成五星入斗中國易政又易主大亂也彗星入斗中天下改主有大戰先舉兵者後舉兵者昌其國主大災甚於彗之禍右旁中之谷重細審之所守樞入張一度去北辰十八度也衡去極十五度去辰十一度



華蓋十六星星在五帝座上正吉帝道昌星頓邪大山扛九星為華蓋之柄也上七星為麻子之官若星明匡主天下不明主亂期八年國無主也



五帝內座在華蓋下覆帝座也五帝同座也上色政吉色變為災凶也




御女四星在鈞陳北主天子八十一御女妃也后之官明吉暗凶也



天柱五星在紫微宮內近東垣主建教等二十四氣也

女史

女史一星在天柱下史比掌記禁中傳漏動靜主時要事也



陰德二星以太陰在尚書西主天下綱紀陰德遺周給惠賑財之事



大理二星在宮門內主刑獄事也自北極已下五十星並在紫微宮內外占曰孛孛入中宮有異姓王火星入守北極臣下款君木星入守北極國有大衰若分守久有逆臣反亂土星犯乘之大人當之太子有罪五星聚在中宮改立帝王五星及客犯守鈞陳者大臣凶所守犯之座皆受其殃咎也



輔星像親近大臣輔佐與而相明若明大如斗者則相奪政兵起若暗小則死免官若近斗一二寸為臣迫脅主若五六寸四遠客及孛孛入斗中諸侯爭權逼天子月暈斗大水入城兵起主有敵北斗第六七損角第四五六指南第一二指箭二十有九星

內階六星在文昌北階為明堂頭



文昌七星如半月形在北斗魁前天府主管計天下事其六星各有名六司法大理色黃光潤則天下安萬物成青黑及細微多所殘害搖動移處三公被誅不然皇后崩文昌與三公攝提軒轉共為一體通占木土星守之天下安火星守國亂兵起金星守兵大起若孛孛流星入之大將返叛亂也



三公星三在斗杓東和陰陽齊七政以教天下人一星亡天下危二星亡天下亂三星亡天下不治也



天樞五星不用明明則天下兵起斧鉞用鎗楛八星皆非常也入辰一度去北辰二十八

度


天槍三星在北斗柄東主天鋒武備在紫微
宮右以御也



傳舍九星在華蓋與仲比近天河主賓客之
館客星守之兵起令四方館也



天廚六星在紫微宮東北維近傳舍北百官
廚今光祿廚像之星亡君子賣衣民人賣妻
子大飢客守之大飢荒



天一星在紫微宮門外右曰南為天帝之神
主戰聞知吉凶星明吉暗凶若離本位而乘

天一

斗後九十日必兵大起也光明陰陽和也萬
物感天子吉星亡天下亂大凶也

天一

太一星在天一南半度天帝神主十六神知
風雨水旱兵馬飢饉疾病災害若在其國也
星明吉暗凶離本位而乘斗者九十日必兵
大起也太一星入軫十度去北辰十五度半
太一星去北辰十一度



天牢六星在北斗魁下貴人牢占為實索同
主禁思恭恭志火星守入之人民相食之應
有敵也

東方七宿三十三星七十五度并中外宮輔
座等

角二星為天門壽星金星春夏為火秋冬為
水蒼龍角也東方首宿南左角名天津蒼色



為列宿之長北右角為天門黃色中間名天
關左主天田右主天祇十三度八月日在北
南去北辰九十一度凡日月五星皆從天關
行此為黃道入黃道為早其角南二度為太
陽道入陰道為水角宿北二度為陰道角宿

直指辰即是耕種次為農官若明大王道太
平若暗及亡角搖動王者失政星微小國弱
失政王道不行春日月入角彗者王失政日
月角中蝕者其邦不寧木星守七日有赦忠
臣用火星守忠臣賢相受誅繒帛貴有關戰
萬人兵起期以日宮中盜賊內亂火守角宮
道不通大環遠鉤已者國大飢火犯之必戰
火守左角太尉死國危守右角五穀不熟大
水災犯左右角羣臣謀戰不成伏誅土守內
主喜六十日國有分爭金守天下兵大盛國
有事事金火合守太白居後被軍將殺水守
王者刑罰急有水災疾疫客禁守入角色白
者國有兵起及大喪亦軍敗城垣客守四十
五日早五穀焦風雨不時蝗蟲起星流出角
門天子發使出外從他宿入角門外國使入

中京或為近臣殺主戰死月蝕榮威有亂臣
在官非賊而盜月人天市及河而暈三重兵
起天下道斷軍將失利



天理四星在北斗杓中主貴人宰為執法官
星不欲明明則貴人被罪



執法四星在太陽首西北主刑獄之人又為
刑政之官助宣王命內常侍官也

太陽

太陽守在西北主大臣將備天下不虞事差
明古暗凶星移天下兵起中國不安之應也
入張十三度北極四十五度

相

相星在北極斗南總領百司掌邦教以佐帝

王安撫國家集眾事宰之佐星明古暗凶
亡相死不然流出太陽入張十三度去北辰
四十五度相入翼一度去北辰三十一度



平道二星在角間主洛道之官

進賢

進賢一星在平道西極相薦舉逸士學官
等之職也星明賢士用進暗小人用



天門二星在左角南主天門侍要應對之所



天田二星在角北主天子畿內地左對境界
城邑邊塞



周鼎三星足狀云鼎足星在攝提大角西主

神鼎



庫樓星二十八星庫樓十五柱十五星衡四
星在角南軫東南次器府東一曰文陣兵車
之府中繁眾則大兵起庫中無星下臣逆謀
兵盡出天下無災居者庫中柱動出兵戈四
夷狄柱半不具天子自將半兵出木星守人
飢米貴西入軫一度去北辰四十九度昏中
西去北辰八十九度



攝提六星在角亢東北主九卿為甲兵擄紀
綱建時節祥大星守天下更主金星守兵起

大角

大角一星天棟在攝提中主帝座金星守兵

大起月蝕王者惡忌之入亢三度半去北辰五十九度也



帝席三星在大角北星暗天下安星不欲明明則王公凶



亢池六星在亢北主度送迎之事



折威七星在亢南主詔獄新殺邊將死事



陽門二星在庫樓東北隘塞外寇盜之事



障車三星在氐南主章車兵車




亢四星名天府一名天慶總領四海名火星春夏水秋冬金暗國內亂弱大明天下安平日月蝕亢中國有事五星犯亢逆行君憂失

國大臣不用木星守留三十日已上有赦年豐久守其國米貴人多疾病水災木與火星同殺不成人死如草木水災火星守多雨天下兵盡返大起水星守其分米貴久守多病大水災也土星守萬物不成多病金星守天下道不通兵起盜賊水災傷人金星行入南上道五殺傷赤色旱人逃走華守犯之其國兵起大臣作亂一年月暈國光士卒自將百星不遂士卒死



梗河三星梗在大角帝座北主天子鋒又主胡兵及喪決日梗河去也相去吉相向兵起容守世亂矣



騎官二十七星在氐南主天子騎虎賁貴諸侯之族子弟宿衛天子命三衛之像星象天下安星少兵起五星守之兵起西北入北辰一百十五度



車騎三星在騎官南總領車騎行軍之事



西威四星在氐東主治淫俠南星入氐五度


去北辰九十三度



七公七星在招搖東北為天相主三公十政善惡星明則眾議詳審星入河中未貴人相食金星守天下兵起亂西星入辰四度去北辰四十九度



前下積平星十二在辰東南星微小吉如大明及搖動主朝廷有兵微小吉一星亡兵半出二星亡兵大半出三星亡兵盡出五星守兵起星西入辰十三度去北辰一百二十四度



房四星名天府管四方一名天旗二名天駟三名天龍四名天馬五名天衡六為明堂是

火星春夏水秋冬火房為四表表三道日月五星常道也上第一星名為右服次將其名陽環上道二星名右驂上相其名中道三名左服次將其名下道四名左驂上相總四輔左驂左服云東方及南方可用兵右驂右服云西方北方不可用兵

云西方北方不可用兵

玄戈

玄戈一星在招搖北一名臣戈五星守兵起星明動胡兵起入辰一度去北辰四十二度

招搖

招搖星在梗河北主胡兵芒角動兵筆起行入辰二度去北辰四十一度



頤頤二星在折威東南主治獄官桎囚憎林察真偽也



辰四星為天宿宮一名天根二名天符木星春夏木秋冬水主皇后妃嬪前二大星正妃後二左右大明為臣奉事君寧暗失臣勢動臣出國日月辰中君犯惡之木星守之后喜守二十日有王者之所行不利疾則治邊行

臣職主守必有諸侯並王火守大臣相譖逆行而赤色大臣亡久守六十日有大赦火星入之有賊臣為亂近期一年遠二年金星守者有兵起將軍有封爵者火之位水守有大水深浸宮館萬物不成水入貢臣憂有獄事

客守布帛貴土星守有立太子久守八十日已上國有兵起孽孳行入辰中後宮有異兵動不出一百八日內遭水東半月暈圓辰大將軍殃人多疾病

鉤鈐二星主法去房宿七寸第一名天使二名天官為開藏若近夫妻同心遠者夫妻不和大明則羣臣奉職天下道洽暗則羣臣亂



鉤鈐二星主法去房宿七寸第一名天使二名天官為開藏若近夫妻同心遠者夫妻不和大明則羣臣奉職天下道洽暗則羣臣亂

政王道不行日月蝕房中王者亂昏大臣專
權木星守天下和平留四十五日殺豐人安
吉無疾病天子有令德期在四月火星守有
兵起七日有大喪及敵十日守大夫災二十
日不去必臣反及君子天子憂亂王者惡之
天子兵早守止一日大臣亂土星守有妻王
亦亂早及地動久守其有兵金守陪脇者大
有土功事國亂布帛貴久守人飢易主火守
姦臣謀王大臣相譖暴誅臣佐天下乖離若
出房心中間地動容守米貴十倍日月五星
犯之色青國憂兵喪色白大兵相殺積尸如
丘華寺入房國危人亂相殘流星入房西行
為狂夫王殺忠臣臣殺主輔臣亡遠期三年
常以三月候房日月出表南大旱喪出表北
災及萬里兵亂陰雨若出中道太平許徐穎
州月暈國房心災疫凶五度九月日此上去
北辰一百四度半



罰三星在東咸西下南北而列主受金罰贖
市布租也



東咸四星在房東北主防姪佚木在北守而
搖動天子姪佚過度星南入心二度去北辰
一百三度也後則不過百八十八日遠則不過
三年起於宋汴等州

天乳

天乳星在氏北主甘露十五度十二中西南
星去北辰九十六度北伴屬前項天乳別



貫索星九在七公前為賊人牢牢口一星為
門門欲開開則有赦若赦主人憂若牢門閉
及口星入牢中有自殺死者以五子日夜候
之一星亡有喜事二星亡有爵事三星亡有
赦甲庚期八十日丙辛期七十日戊壬期六

十日星入河中人相食若九星總見獄事煩
水星守水災火星守米貴有大星出牢大赦
小星即小曲恩降慮口舌若星入尾一度去
北辰五十五度也



巫官二星在房西南主醫巫之職事也

天福三星在房西主鑾駕乘輿之官也

鍵閉

鍵閉星在房東北主管鑰星不欲明明則內
亂門扉不禁姦姪至行於女也



心三星中天王前為太子後為庶子火星也
春夏木秋冬水一名大火二名大辰三名鶉
大星星明大赤為照天子德行暗小失常色

為王微弱不能自斷星不欲直則主失計
 動搖天子憂不星守天下安久守而絕犯者
 臣謀主大兵起火星守地動守二十日臣謀
 主色黑主蘭之像土守聖帝出謀臣天下太
 早有云國有赦久守不去憂賊天下大早有
 金星守山崩四方兵起久守二十日已上去
 心三寸兵起鉤戰上殿期八十日亦有火蟲
 災人飢災也水星犯有水災及早兵起布帛
 貴客守犯大旱赤地千里日月五星經心失
 積赤暈虹蜺背向蝕人飢兵起臣反國易主
 喪使客月貫心內亂等字入心主憂有喪大
 臣廢熱心變期急不過七日之應也




樞大明則米貴市中星東則歲實五星入市
 門則兵起芒角色赤赤氣入大災火守米貴
 所守坐犯皆當之門左星入尾一度去北辰
 九十四度也

候星在市東主輔臣陰陽法官明則輔臣強
 小暗輔微弱入箕三度去北辰七十二度

官星四星在帝座西南侍帝之傍入尾十二
 度

斗五星在官星西南主稱量度明斗西後則
 豐若斗亡仰不熟入尾十度

宗人四星在宗政東主司享先人星動帝親
 致憂



宗正二星在帝座東南主宗正卿大夫暗室
 位室族有事

通占大象曆星經卷上